

KIA MAU KI TŌU ĀHUA AKE!

# HUI E!

TĀNGAITI 1, 2020

TE AHO TŪ ROA

HE HĀKINAKINA REREKĒ

HE TUNA KI TE AO


KIMI KUPU  
RAPU RAWA



# HE TUNA KI TE AO!

He tuna Māori te kūwharuwharu (longfin eel) nō Aotearoa. E 80 miriona tau tana noho ki a Papatūānuku. Mātua kitea ai te tuna ki ngā awa me ngā roto, waihoki, ki ngā momo wai katoa. Puta mai te tuna i te pō ki te kai i ngā ika, ngā kōura, ngā ngārara, ngā manu, ngā kararehe hoki. He pongaihu ūna ka puku ake i te hiku o ūna ngutu, kia rongo i ngā nekehanga o tōna taiao. E tāmau ana ūna unahi ki tōna kiri, ā, he kirikau te kiri. He paihau o runga, ā, he paihau o raro.

## Te Oranga o te Tuna



## HEKENGA TUNA

Kia āhua 34 tau te nuinga o ngā uwha kātahi ka kātua, ā, ka taea te whakawhānau hua. Kotahi anake tāna whakawhānau hua i tōna oranga katoa. E whakaaro ana ngā tāngata e tirotiro ana i te tuna, he 1-20 miriona ngā hua ka taea. Kei te whakaaro hoki rātou, heke ai te kātua ki ngā awakeri tata ana ki te takutai o Tonga. E āhua 6,000 km te tawhiti atu i Aotearoa nei! Ka whakawhānau te uwha i āna hua, ā, ka mate atu ki reira. Mō ētahi tuna, kia waru tekau tau rā anō tōna pakeke, kātahi ka heke ki ngā awakeri, kāore e mōhiotia he aha ai.

Hei te ngahuru ko te heke o ngā tuna. Heke mai ai ngā punua tuna ki Aotearoa, ka kake i ngā kōhatu, i te whenua kia tae atu ki ngā roto, ngā awa rānei noho ai, kia kātua haere. Ka 1m te whāroa o te kātua tame, ā, ka 2m te roa o te kātua uwha. Ko te tuna kātua rawa i kitea, 106 tau tōna pakeke!

## HEI KAI

Nō neherā, he maha hoki ngā momo mahi tuna, pērā i te hī tuna, te pā tuna, te hīnaki, te kōumu, te mataraū, te patu, te toi, te rapu, tae atu ki te rama tuna.

Ka hopukina, ka whakairia ki runga i te tīrewa, maroke ai, ka whakapaoa, ka maoa rānei ki ngā ngārehu o te ahi.

## ATAWHAITIA TE TUNA

E tāmate haere ana ngā tuna i ngā mahi tūkino a te tangata. Ko te horo hī tuna tērā, ko te matū ka puta i ngā wheketere tērā, ko te para whenua hoki o ngā pāmu tērā. Me aro tātou ki ngā mahi whakaora wai kei orotā ēnei taonga, ā, ka kore e hoki mai. Tirohia ngā mahi atawhai a tō hapori kia tautoko i ngā mahi whakatika wai o tōu ake rohe.



Tēnā te puna kei Hawaiki,  
Te pū kei Hawaiki,  
Te puna kei Rangiriri.

# KIMI KUPU

## *Ngā manu*



Rapua ngā kupu e hāngai ana ki ngā mahi a Hokimate Harwood. Tērā pea ko koe rā hoki he kairangahau pūtaiao ā tōna wā? Tirohia whārangi 16 mō ngā kōrero mō Hokimate.



K	E	O	U	K	Ā	K	Ā	R	I	K	I	T	M
NG	A	A	K	E	W	T	NG	T	W	NG	R	H	Ō
I	R	I	WH	N	T	I	K	P	WH	A	P	R	WH
T	Ū	A	R	Ō	A	Ē	Ō	Ā	Ī	Ū	O	E	I
K	H	T	E	A	N	H	T	E	K	Ā	K	Ā	T
E	I	Ū	M	O	NG	U	A	E	T	A	Ā	E	I
A	Ē	P	U	E	WH	A	K	A	R	A	H	I	K
I	H	A	P	K	I	O	H	K	NG	E	U	U	NG
T	A	K	Ū	K	U	P	A	A	E	T	WH	O	Ō
Ī	K	T	A	E	NG	T	E	R	U	R	I	NG	U
E	A	I	N	R	K	Ā	R	E	A	R	E	A	R
K	T	A	M	A	N	U	K	E	I	NG	A	R	T
E	P	Ī	P	Ī	WH	A	R	A	U	R	O	A	Ū
K	I	W	I	R	T	O	A	P	R	I	R	P	Ī

### Kimihia ēnei kupu:

mōwhiti	whakarahi	kairangahau	pūtaiao
kākahu	rau	manu	kūkupa
kārearea	tīkeke	pīpīwharauroa	pūkeko
takahē	kiwi	kākāriki	tūī
weka	kāhu	kea	kākā



TIROHIA WHĀRANGI 9 MŌ NGĀ WHAKAUTU.



Ko Te Aho Tū Roa  
he rōpū tautoko i ngā  
kōhanga reo, ngā kura, me te hapori ki ngā  
āhuatanga e hāngai ana ki ngā tikanga taiao.

Ko Te Kura Kaupapa Māori o Ōtepoti tētahi kura  
e ngākaunui ana ki te hāpai i tēnei kaupapa.  
Tirohia ā rātou mahi māra kai  
– ka rawe!

### Tiaki taiao

- He aha tēnei mea te hangarua? Kimihia ngā taputapu kirihi, te karaehe, ngā kēne me ngā pepa, kātahi purua ki roto i tētahi ipu hangarua.
- Horoia ngā oko kirihi (pērā i ngā oko aihi kīrimi), ā, kimihia tētahi mahi anō māna, hei tauira, hei pupuri pene whītau, taonga hoki.
- Āta wānangahia tō pouaka tina – he aha ngā kai kua tākai ki te kirihi, kātahi āta whakaaro hia me pēhea te whakakore i ēnei tākainga i tō pouaka tina (hei tauira, te oko waitepe, te pēke maramara rīwai).



### Hauora

- Whakatipu māra kai ki tō kāinga, ki tō kura anō hoki.
- Puta atu i tō rūma, rūma noho rānei, haere ki waho ki te tākaro me ō hoa.
- Hīkoi, eke paihikara rānei ki te kura.



### Whanaungatanga

- Kia kaha te mahi tahi i roto i te māra kai, te kohi rāpihi, te whakatō rākau Māori. Nō tātou katoa te whiwhi.
- Pātaihia ngā kaumātua o tō iwi mō ngā tikanga o te māra kai, o te taha moana rānei.
- Āta rangahaua ngā tikanga tawhito a ō tātou tūpuna Māori, ko rātou ngā rehe mō te tiaki taiao.



# Rapu Rawa

## Ngā manu a Tāne





x6



x7



x8



x9



x10



TIROHIA WHĀRANGI 9 MŌ NGĀ WHAKAUTU.

HUI E! • 7

# HE HĀKINAKINA REREKĒ

He iwi hākinakina te Māori, mai ukiuki tēnei āhuatanga o tātou. Tae noa ki ēnei rā kei te pārekareka tonu ngā mahi tākaro o nāianei ki te Māori. Engari kei te ao whānui ētahi hākinakina rerekē rawa atu.



## OMA PĪRORI TĪHI

### Ka tākarohia ki Ingarangi

Tau atu, tau atu ka piki te tini tangata ki runga i te puke o Cooper's Hill ki Ingarangi ki te whai i te tīhi. Ka pīrorihia te tīhi porowhita ki raro i tētahi o ngā pari konana o te puke nei, mea rawa ake ka whāia e te katoa. Ko te tangata tuatahi ki te tīhi te toa, engari nā te poupou o te puke ka takaporepore ētahi, ka whara ētahi, ka tukituki ētahi, ka huri ko waewae hei upoko, ko upoko hei waewae. Mō te tīhi te take!



## WATTOLUEMPIADE

### Ka tākarohia ki Tiamana

I ia tau, ka tū te whakataetae nei, arā, ko te taumāhekeheke paru o te ao ki Tiamana. He maha ngā momo tākaro o tēnei kaupapa, engari ko te mea e whakakotahi ai i ngā tākaro katoa ko te paru. Katoa o ēnei tākaro ka whakaheretia ki te paruheti. Ānō nei he poaka!



## YUKIGASSEN

### Ka tākarohia ki Ūropi me Hapani

He kēmu kurukuru pōro hukarere tēnei. E rua ngā tīma, he nui ngā pōro hukarere, ka pakanga atu, ka pakanga mai. Nā te mōrearea o ngā pōro hukarere ka mau pōtae mārō ngā kaitākaro. Inā te makariri!

# Ngā Whakautu

## Kīmi Kupu – Mai i Whārangī 4

K	E	O	U	K	Ā	K	Ā	R	I	K	I	T	M
NG	A	A	K	E	W	T	NG	T	W	NG	R	H	O
I	R	I	WH	N	T	I	K	P	WH	A	P	R	WH
T	Ū	A	R	Ō	A	Ē	Ō	Ā	Ī	U	O	E	I
K	H	T	E	A	N	H	T	E	K	A	K	Ā	T
E	I	U	M	O	NG	U	A	E	T	A	Ā	E	I
A	Ē	P	U	E	WH	A	K	A	R	A	H	I	K
I	H	A	P	K	I	O	H	K	NG	E	U	U	NG
T	A	K	Ū	K	U	P	A	A	E	T	WH	O	Ō
Ī	K	T	A	E	NG	T	E	R	U	R	I	NG	U
E	A	I	N	R	K	Ā	R	E	A	R	E	A	R
K	T	A	M	A	N	U	K	E	I	NG	A	R	T
E	P	Ī	P	T	WH	A	R	A	U	R	O	A	U
K	I	W	I	R	T	O	A	P	R	I	R	P	I

## RAPU RAWA – Mai i Whārangī 6 & 7



# HUI E!

## KAITUHI

Te Mihinga Komene  
Migoto Eria  
Rangi Matamua

## KAITĀ PIKITIA

Lukaves/Shutterstock.com (wh. 2)  
Josh Smit (wh. 4)  
Scott Pearson (wh. 6 & 7)  
Andrew Burdan (wh. 10)

## NGĀ WHAKAAHUA

Peter Langlands (wh. 2 & 3)  
Alexander Turnbull Library – Lamprey and eel weir, Whanganui River, McDonald, James Ingram, 1865–1935: Photographs. Ref: PA1-q-257-76-3 (wh.3)  
Te Rawhiritoa Bosch (wh. 5)  
1000 Words/Shutterstock.com (wh. 8)  
Aija Lehtonen/Shutterstock.com (wh. 8)  
Txking/Shutterstock.com (wh. 8)

Mana tārua i tēnei tāngaiti © Te Tāhuhu o te Mātauranga 2020


Kua noho manatā tēnei moheni. Atu i ngā take pēnei i ngākoranga whaiaro, te rangahau, te arotake me te arohaehae mahi e whakaaetia ana i raro i te Copyright Act, kore rawa e tukuna kia tāia anō tētahi wāhangā o ngā kōrero nei, ahakoa te huarahi tā. Me mātua tono whakae ki te rōpū nāna te moheni i tā.

ISSN 2703-5050  
Hui E! Tāngaiti 1, 2020

He mea whakaputa tēnei moheni mō  
Te Tāhuhu o te Mātauranga e Huia.  
Pouaka Poutāpetā 12-280  
Te Whanganui-a-Tara 6144  
Aotearoa



Te Kāwanatanga o Aotearoa



TE TĀHUHU O TE MĀTAURANGA  
MINISTRY OF EDUCATION

Te Kāwanatanga o Aotearoa

Hei tautoko tēnei rauemi i  
Te Marautanga o Aotearoa

